

BYROJA KOSOVARE E SIGURIMIT - BKS  
KOSOVSKI URED OSIGURANJA - KUO  
KOSOVO INSURANCE BUREAU - KIB



Nr. 746/22 dt. 08.08.22  
PRISHTINË

## RREGULLORE

### PËR MËNYRËN E MIRATIMIT, FINANCIMIT DHE ADMINISTRIMIT TË BUXHETIT TË BYROSË KOSOVARE TË SIGURIMIT

Prishtinë, 2022

Në bazë të nenit 12, shkronja a), pika 5 e statutit të Byrosë Kosovare të Sigurimit, Asambleja e Përgjithshme e Antëarëve, miraton këtë:

**Neni 1**  
**Objekti**

Kjo rregullore ka për objekt të përcaktojë rregulla mbi mënyrën e miratimit, financimit dhe administrimit të Buxhetit të Byrosë Kosovare të Sigurimit.

**Neni 2**  
**Baza ligjore**

Kjo rregullore miratohet në bazë dhe për implementim të Nenit 32, pika 1-11 të Ligjit nr. 04/L-018, për Sigurimin e Detyrueshëm nga Autopërgjegjësia dhe nenit 26 të Statutit të Byrosë Kosovare të Sigurimit.

**Neni 3**  
**Mënyra e hartimit të Buxhetit të BKS**

1. Byroja Kosovare e Sigurimit është e obliguar që dëri më datë 15 Dhjetor të vitit vijues të hartoje projekt-buxhetin e BKS-së. Në hartimin e projekt-buxhetit të BKS-së, Byroja mbështetet në:
  - 1.1. Realizimin e buxhetit të vitit paraprak dhe
  - 1.2. Parashikimin e nevojave shtesë në vëprimtarinë e BKS-së për vitin për të cilin po hartohej projekt-buxheti i shoqëruar me relacionet shpjeguese.
2. Buxheti i Byrosë Kosovare të Sigurimit duhet të përbajë këto zëra:
  - 2.1. Zëri i shpenzimeve administrative,
  - 2.2. Zëri i investimeve,
  - 2.3. Zëri i pagesës së dëmeve.

**Neni 4**  
**Procedura e miratimit të Buxhetit të Byrosë**

1. Byroja Kosovare e Sigurimit harton projekt-buxhetin dhe i paraqet për shqyrtim Këshillit Administrativ të BKS-së.
2. Pas shqyrtimit nga Këshilli Administrativ, projekt-buxheti i paraqitet për miratim e Asamblesë së Përgjithshmë të Anëtarëve, i cili duhet të miratohet me 2/3 e votave, dhe me propozim të këtij të fundit i dërgohet për miratim BQK-së.

**Neni 5**  
**Financimi dhe Administrimi i Buxhetit të Byrosë**

1. Buxheti i Byrosë përbëhet prej:
  - 1.1. Buxhetit të Fondit të Kompensimit,
  - 1.2. Buxhetit të Fondit të Garancisë për Kartonin e Gjelbër dhe,
  - 1.3. Buxhetit për shpenzime operative.

## 2. Financimi i Fondit të Kompenzimit

Fondi i Kompenzimit financohet sipas skemës të paraparë në Nenin 32 pika 2 e Ligjit për Sigurimin e Detyrueshëm nga Autopërgjegjësia dhe atë:

2.1. Kompanitë e Sigurimit të cilat ushtrojnë veprimtari në sigurimin e detyrueshëm nga autopërgjegjësia në territorin e Republikës së Kosovës, janë të detyruara të kontribuojnë financiarisht në Fondin e Kompensimit sipas përqindjes së primit të realizuar në tremujorin paraprak në tregun e sigurimeve të autopërgjegjësisë për tre muajt e ardhshëm. Këto kontributë paguhen në xhirologari të BKS-së të Fondit të Kompenzimit për këtë destinim deri më datën 10 të çdo muaji.

2.2. Fondi i Kompensimit mbahet në llogari të vecantë të përcaktuar nga BQK-ja.

## 3. Financimi i Fondit të Garancisë për Kartonin e Gjelbër

Financimi do të bëhet me rregullore të posaçme.

## 4. Financimi i shpenzimeve operative të Byrosë

- 4.1. Financimi i shpenzimeve operative të BKS financohet nga të gjithë Anëtarët e Byrosë në mënyrë të barabartë, ky kontribut paguhet deri në ditën e 10 të cdo muaji.
- 4.2. Me miratimin nga BQK-ja, Byroja Kosovare e Sigurimit njofton Anëtarët mbi kontributin obligativ për Buxhetin e Byrosë për vitin afarist.
- 4.3. Kompanitë e Sigurimit financojnë me mjete shtesë në Buxhet në rastet kur Fondi i parashikuar rezulton të jetë i pamjaftueshëm.
- 4.4. BQK-ja miraton shtesën e Fondit për Buxhetin pas propozimit të bërë nga Asambleja e Përgjithshme e Anëtarëvë.
- 4.5. Shtesa e Buxhetit e parashikuar në paragrin 4 dhe 5 të këtij nenit do të financohet nga të gjithë Anëtarët në mënyrë të barabartë brenda 30 ditëve të muajit kalendarik nga miratimi i tij prej BQK-së.
- 4.6. BKS, dy herë në vit, përkatesisht çdo 6 mujor, informon Asamblenë e Përgjithshme të Anëtarëve lidhur me administrimin dhe financimin e Buxhetit. Me kërkësën e një anëtarit të Asamblesë mund të shqyrtohet buxheti.

## Neni 6 Polica Kufitare

1. Byroja Kosovare e Sigurimit është kompetente për organizimin dhë zbatimin e sistemit të sigurimit kufitar të autopërgjegjësisë.
2. Mjetet financiare të akumuluara nga shitja-prerja e policave kufitare mbahet në një llogari të posaçme në kuadër të BKS-së, ku bëhet grumbullimi (pagesa) e këtij primi.
3. Ndariaj e këtyre mjeteve bëhet një herë në muaj, dhe atë deri me datë 5 të muajit vijues për muajin parapak, secilit anëtar të BKS-së.
4. Ndariaj e primit nga shitja e policave kufitare bëhet konform vendimit të Asamblesë së Përgjithshme të Anëtarëve.

**Neni 7**  
**Rezervat Teknike dhe Pagesat e Dëmeve**

1. Rezervat teknike ndërtohen në baza tremujore dhe ndahen ndërmjet siguruesve sipas përqindjeve të shpërndarjes së primit nga shitja e sigurimit kufitar, në tremujorin kur ka ndodhur aksidenti.
2. Pagesa e dëmeve nga baza e sigurimit kufitar do të bëhet duke u bazuar në pjesëmarrjen (shpërndarjen) në të hyrat e sigurimit kufitar në tremujorin kur ka ndodhur aksidenti.
3. Me likuidimin e një siguruesi si dhe në rastet kur asetet e këtij siguruesi nuk janë të mjaftueshme për kryerjen e obligimeve të saj, atëherë data e tërheqjes së siguruesit nga tregu do të konsiderohet datë për llogaritjen e rezervave teknike të sigurimit kufitar për të gjithë siguruesit, sipas pjesëmarrjes në treg.

**Neni 8**  
**Të ndryshmë mbi Fondin e Kompensimit në mbyllje të vitit finanziar**

1. Në fund të çdo periudhe financiare (31 Dhjetor) hartohet bilanci i gjendjes së Fondit të Kompensimit dhe pasqyra e kontributeve dhe pagesave të tij.
2. Në fund të çdo viti finanziar (gjendja financiare si më 31 Dhjetor) Fondi i Kompensimit duhet të mbyllë teorikisht. Tepricat në llogaritë ë Fondit të Kompensimit si më datë 31 Dhjetor të çdo viti, do të shpërndehen të gjithë anëtarëvë të Byrosë në raport me përqindjet që ato kanë kontribuar në Fondin e Kompensimit për vitin finanziar në fjalë.

**Neni 9**

1. Në rast së Anëtarët e Byrosë nuk derdhin kontributin në Buxhetin e BKS, Byroja njofton BQK-në për shkeljen.
2. BQK-ja vendos ndaj Anëtarëve sanksionet e parashikuara ne Nenin 32, pika 11 të Ligjit Nr. 04/L-018 për Sigurimin e Dëtyrueshëm nga Autopërgjegjësia.

**Neni 10**  
**Hyrja në fuqi**

Kjo rregullore hyn në fuqi në ditën e miratimit të saj nga Asambleja e Përgjithshme e Anëtarëve të Byrosë Kosovare të Sigurimit.

Agim Elshani  
Kryesuesi i Asamblesë së Përgjithshme të Anëtarëve

Prishtinë,  
Datë 27.06.2022